



Synfocity = 592

mail us at : mzsynfo@gmail.com; mizoramsynod@gmail.com - Phone - 2314648

1st July, 2016

Health Sunday & Hospital Sunday, 2016

July 3, 2016 (Pathianni) hi Health Sunday & Hospital Sunday (Damdawi In Pathianni) a ni a. Mizoram Presbyterian Kohhran chuan Hospital Sunday hi kum 1928 atang khan a hmang tan a, kum 1981 atang khan July Pathianni hmasa ber hi ni bik atan hman a ni ta a ni.

Kum 1985 Synod Inkhawmpui thu angin 1988 atang khan January Pathianni hnunung berah Phâr Pathianni (Leprosy Sunday) hman thin a ni a (Gen. 27). Kum 2004 Synod chuan phâr pual chauh ni lovin natna dangte pawh huamin 'Health Sunday' tiin a thlâk ta a (Gen. 3). Kum 2006 atang khân Health Sunday hi hman tan a ni. Bial KTP Inkhawmpui nen a inruul chang a awm avângin February Pathianni wavi thumnaah hman thin a ni ta a. Kum 2006 khan Malaria chungchang zirho a ni a, kum 2007-ah Cancer chungchang zir ho a ni leh a, kum 2008-ah HIV/AIDS chanchin zir lehin kum 2009-ah Zuk leh Hmuam zir ho a ni. Kum 2010 khan Mimal hriseina tih zir ho a ni leh a, 2011 khan Hrisel nan ei leh in tih zir ho a ni a, 2012 khan Mit enkawl dan tih zir ho a leh a ni a, 2013 khan Hriselna leh Thianghlimna tih zir ho a ni leh a, 2014 hian Rilru Hriselna (Mental Health) tih zir ho lehin nikum (2015) khan Ruih theihthil leh a nghawng thalote tih zirho a ni leh a, kumin (2016) hian Zunthlum leh Thisensang tih zirho a ni dawn a ni.

Kum 2008 Synod-in Health Sunday leh Hospital Sunday hi Pathianni wavi khatah a ruala hman ni se, tia a rel (Synod Gen. 67) angin kum 2010 atang khan Health Sunday leh Hospital Sunday hi a rualin ni khatah hman tan a ni ta a ni. Kumin 2016 hian Health Sunday pualin chawhnu hun hman a ni ang a. Zan hun chu Hospital Sunday puala hman a ni thung ang a, thilpek lak khawm a ni bawk ang. Thilpek chu Synod Hospital pual a ni ang a, Bial Treasurer kaltlangin Synod Office-ah theh luh tur a ni.

Kumin Health Sunday & Hospital Sunday atan hetiang hian programme duan a ni:

Chawhnu Inkhâwm

Health Sunday Pual

Thupui : Zunthlum leh Thisensang

Chhiar tûr : Daniela 1:8, 12-15; 1 Timothea 4:8

Zan Inkhâwm

Hospital Sunday Pual

Thupui : Damna kim – Isua

Chhiar tûr : Is 53:4-6; Mk 1:32-34

Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Hualngohmun	Damlo/Rethei	2	Rs. 8,000/-
2.	Ramthar Veng	Damlo rei	1	Rs. 4,000/-
		TOTAL		Rs. 12,000/-

SMTC-in Computer zirzo (Batch 17-na) thlah

Synod Multipurpose Training Centre (SMTC) chuan June 28, 2016 (Thawhlehi) chawhnu dar 1:00 khan Certificate in Computer Application (CCA) Course batch 17-na zir chhuakte thlahna inkhawm an hmang a, Pu Lalrinmawia Ralte, Minister i/c Forest, I.T etc. chu Khuallian a ni.

CCA zirzote thlahna inkhawm hi Rev. Vansawma, Programme Director, SMTC-in a kaihuai a, Upa Vanlalhuma, Office Assistant-in report a pe a, Khuallian Pu Lalrinmawia Ralte in zir chhuakte hnenah Certificates leh lawmman semin thu a sawi. Zir chhuakte (trainees) aiawhin Ni. H.K. Laldinpuin thu a sawi a, Zoremi Ralte a zai bawk.

Synod Multipurpose Training Centre-a Computer (CCA) zirna hi Synod Executive Committee remtih angin October 15, 2007 atanga kalpui tan a ni a. Ni khatah darkar khat leh a chanve chung class neih thin a ni a, July 2016 session atang chuan class neih hun chung hi darkar hnih a ni tawh ang. SMTC-a computer zirna hi Mizoram sawrkar Higher & Technical Education i a pawmpui a ni.

Tun tuma SMTC Computer course batch 17-na zirchhuakte hi mi 18 an ni a, Computer Course zirna hawn a nih atanga tuna zirchhuakte nen hian mi 368 laiin tha takin an zir chhuak tawh a ni.

Synod Hospital

July 3, 2016 (Pathianni) hi Health & Hospital Sunday a ni a, Kohhran hrang hrangin Synod Hospital-a thawktute hun hmang tura an rawn sawm angin a hnuai tarlan ang hian Hospital-a thawktute an fehchhuak ang.

S. No	Kalna Kohhran	Thusawi hun	Kal tur te
1.	Ramthar Kohhran	Chhun Zan	Pi C. Lalrintluangi, N/S Dr. LH Thanga Singson, Director
2.	Luangmual Kohhran	Zan	Dr. Lalthakima, M/S
3.	Laiputlang Kohhran	Chhun Zan	Dr. John Malsawma, Dy. M/S Rev. Biakthansanga, Chaplain
4.	Lungdai Kohhran	Chhun Zan	Dr. R. Lalrindiki, Upa F. Lalsangliana, Coordinator
5.	Kanghmun Kohhran	Chhun & Zan	Dr. Vanlalchama
6.	Kolasib Diakkawn	Chhun & Zan	Dr. R.L Sanghluna
7.	Khatla	Chhun Zan	Dr. Lalnunemi Rev. Ramdinmawia, Chaplain
8.	Republic Veng Kohhran	Chhun Zan	Dr. K. Lalremmawia Upa H. Zoliana
9.	Venghlui	Chhun	Dr. C. Lalmangaihzuala
10.	Lili Veng, Chaltlang	Chhun Zan	Dr. Lalrinliana Varte Upa P.C Sangluaia
11.	Zarkawt	Zan	Upa H.S Lahlimpua
12.	Selesih	Chhun Zan	Dr. Samuel Sailo Ni. R. Lalchhanhimi
13.	Samtlang	Chhun	Ni. F. Biakzauvi

Campus Ministry

July 1, 2016 (Zirtawpni) hian ATC-ah Seminar neiin hun an hmang.

❑ **Bookroom**

- ♦ June 27 - 30, 2016 chung khan Synod Bookroom, Thenzawl Distributor chu Physical Checking neih a ni a, hemi hunah hian Pu C. Vanlalhmuaka, i/c Distributor leh Tv. Lalhruaitluanga, Computer Operator te an kal.
- ♦ July 4 - 9, 2016 chung hian Mizorama Synod Bookroom zawng zawngah Reduction Sale neih leh a ni dawn a. Synod Bookroom bungrua zawng zawng 5% - 80% discount-in hralh chhuah leh a ni ang. Sale neih chung hian nitin zing dar 8 ah tan a ni ang a, tlai dar 5 ah khar thin a ni ang. Synod Bookroom chuan Sale hmang tangkai tur hian mi zawng zawng a sawm a ni.

❑ **Hruaina Eng FM Radio & TV Programme**

- ♦ **JULY 1, 2016 (FM ZOAWI AIZAWL @ 7:30 P.M.):**

Zaipawl : Mizoram Synod Choir - Chibai bukna, **Solo** : Lallungmuana - Ka in pe e, **Thusawi** : Upa Zonunmawia - Hnathawk tura chhandam thalaite, **Group zai** : Andrew, Freddy, Henry, Tbc-a - Hlimin i zai ang, **Zaipawl** : BESY Choir - A Pangai Reng, **Solo** : Isaak Malsawmtluanga - Ka in nghahna

- ♦ **JULY 1, 2016 (FM LUNGLEI @ 7:30 P.M.):**

Zaipawl : Mizoram Synod Choir - Chibai bukna, **Solo** : Lallungmuana - Ka in pe e, **Thusawi** : Upa Zonunmawia - Hnathawk tura chhandam thalaite, **Group zai** : Andrew, Freddy, Henry, Tbc-a - Hlimin i zai ang, **Zaipawl** : BESY Choir - A Pangai Reng, **Solo** : Isaak Malsawmtluanga - Ka in nghahna

- ♦ **JULY 3, 2016 (Tv Programme) @ 3:00 p.m) :**

Weekly Round Up, Hranghluite Pual - Upa Dr. L.N. Tluanga (Part 2)

❑ **Susamachar Prasaran Programme**

- ♦ **JULY 3, 2016 (Pathianni) 5:00 pm.**

Group/Choir/Solo : Aizawl South West - Prabo Tumor, **Group/Choir/Solo** : Bungkawn Masihi Sangati - Pyar ka sangar, **Sermon** : Rev. P.C. Rohlira, **Group/Choir/Solo** : Hmingtea Tochwawng - A nugra ha kari, **Group/Choir/Solo** : PC Lianhmingthanga (Valpuia) - Ye Dharti

ADMISSION NOTICE

Presbyterian Hindi Bible School, Bawngkawn Mizoram-ah Batch 58-na (15th July - 2nd December, 2016) a zir duhte tan dil theih a ni ta e. Dilna chu plain paper a ziaikin Principal, Presbyterian Hindi Bible School hnenah July 14, 2016 thleng dilna theih a ni.

HRIATTURTE :

- 1) Diltu chuan Hindi (1) **Tawng** leh (2) **chhiar** thiam ngei tur a ni.
- 2) Kohhran **Dan zawhkim** a ni tur a ni.
- 3) Kohhran/ Fellowship/ Field Secretary etc. **hriatpuina lehkha** thil tel tur a ni.
- 4) Ramchung leh pawn (Mission Field) atanga zirlai tirtu ten an mi tirtu school-a an awm chung a an damloh thu-ah enkawltu atan leh an haw lehna tur senso thilah leh a hnuai ami ang thilahte, **Local Guardian/ Sponsor** ngaihtuah sak tur a ni.

Guardian / Zir turte heng hi intum tur a ni:

- | | |
|---|------------------------------|
| 1) Smart dress with shoes, coat-pant | 5) Mug & Bucket with plate |
| 2) Full Bedding with Mosquito net | 6) Torch-light, Umbrella |
| 3) Stationery | 7) Return senso |
| 4) Hindi Holy Bible, Hindi song book and Non Mizo S.S. book | 8) Passport size photo- 2nos |

Diltu chu natna benvawn neilo a ni tur a ni.

Dil theih hun : 14th July, 2016

Interview : 15th July, 2016, 11:00 A.M

A hmun : Principal's Office, Presbyterian Hindi Bible School, Bawngkawn

REV. K. LALTHLANPUIA

Principal

Ph. No- 0389-234117 / 9862428437 / 9402111624

Synod Revival Hriattirna

Synod Revival buatsaih Gospel Camping chu July 5 - 10, 2016 chungin Synod Revival Camping Centre, Neihbawih-ah neih leh tur a ni a, speaker atan Pu R. Lallungmuana, Hebron Revival Team a ni ang. Camp lut duh te chu mahni Kohhran Secretary hnenah in report tur a ni. Registration Fee Rs. 100/- ken tur a ni.

**Director
Synod Revival Dept
Synod Office**

Synod Hospital Nursing School Admission

Synod Hospital, Durtlang chuan GNM zir tur a la dawn a, dilna form (Prospectus & Application) hi 20th June - 30th July, 2016; dar 9:00 am - 4:00 pm chungin lei theih a ni a, Prospectus/Application Form man hi Rs. 200/- a ni. Dilna form hi 30th July, 2016 aia tlai lovah Principal Office, Synod Hospital, Durtlang-ah theih tur a ni.

Prospectus/Application Form lakna tur :

1. Principal Office, Synod Hospital, Durtlang.
2. Millennium Centre Clinic, Aizawl.
3. Dr. Fraser's Clinic, Mission Veng.

- Dil thei chin :**
1. 10+2 emaw a tlukpui emaw pass, 40% mark hmu chin.
 2. Nupui/Pasal la nei lo, kum 17-35 inkar.
 3. Vacational stream te tan dil theih a ni lo.

**Director,
Synod Hospital**